



Na osnovu člana 32, člana 64. stav (1) tačka b) i člana 70. Zakona o javnim nabavkama («Službeni glasnik BiH», broj 39/14) i člana 18. Poslovnika Centralne izborne komisije Bosne i Hercegovine («Službeni glasnik BiH», br. 50/07, 33/09, 24/13 i 32/14), na preporuku Komisije za javne nabavke od 18.07.2016. godine, Centralna izborna komisija Bosne i Hercegovine je na 38. sjednici, održanoj 20.07.2016. godine, donijela

### **O D L U K U** **o izboru najpovoljnijeg ponuđača**

(1) Okvirni sporazum za javnu nabavku usluga poštanske dostave izbornog materijala, putem preporučene pošiljke, biračima za glasanje putem pošte za Lokalne izbore 2016. godine dodjeljuje se ponuđaču **“JP BH POŠTA“ d.o.o. SARAJEVO**.

(2) Ponuda ponuđača iz stava (1) dispozitiva ove odluke u provedenom pregovaračkom postupku je u skladu sa kriterijima i tehničkom specifikacijom utvrđenom tenderskom dokumentacijom i ocijenjena je kao prihvatljiva za ponuđenu cijenu u iznosu od **311.400,00 KM bez PDV**.

(3) Prijedlog okvirnog sporazuma dostavit će se na potpis izabranom ponuđaču iz stava (1) dispozitiva ove odluke po proteku roka od 15 dana, računajući od dana kada je obaviješten o izboru njegove ponude u skladu sa članom 71. stav (1) Zakona o javnim nabavkama.

(4) Na osnovu zaključenog okvirnog sprazuma, ponuđaču **“JP BH POŠTA“ d.o.o. SARAJEVO** u skladu sa članom 32. stav (5) tačka a) Zakona o javnim nabavkama, ponudit će se ugovor usluga poštanske dostave izbornog materijala, putem preporučene pošiljke, biračima za glasanje putem pošte za Lokalne izbore 2016. godine.

(5) Ova odluka stupa na snagu danom donošenja i objavit će se na web stranici Centralne izborne komisije BiH.

### **O b r a z l o ž e n j e**

Postupak javne nabavke usluga poštanske dostave izbornog materijala, putem preporučene pošiljke, biračima za glasanje putem pošte za Lokalne izbore 2016. godine proveden je putem pregovaračkog postupka bez objave obavještenja. Poziv za dostavljanje zahtjeva za učešće i početne ponude i pregovore broj: 07-2-16-3-757-2/16 od 11.07.2016. godine objavljen je na web stranici Centralne izborne komisije BiH dana 11.07.2016. godine, kada je dostavljen i na adrese sljedećim poštanskim operaterima: „JP BH Pošta“ d.o.o. Sarajevo, „Hrvatska pošta“ d.o.o. Mostar i „Pošte Srpske“ a.d. Banja Luka. Do krajnjeg roka za prijem ponuda dana 15.07.2016. godine do 12:00 sati na adresu Centralne izborne komisije BiH dostavljena je jedna ponuda, ponuđača „JP BH Pošta“ d.o.o. Sarajevo.

Komisija za javnu nabavku, imenovana odlukom Centralne izborne komisije BiH broj: 07-2-16-3-623-2/16 od 04.02.2016. godine, a shodno članu 2. stav (3) odluke broj: 07-2-16-3-757-1/16 od 07.07.2016.godine, izvršila je pregled i ocjenu ponude o čemu je sačinila Zapisnik o pregledu i ocjeni ponude broj: 07-2-16-3-757-8/16 od 18.07.2016. godine.


U navedenom Zapisniku o pregledu i ocjeni ponude, Komisija za javne nabavke je dala preporuku Centralnoj izbornoj komisiji BiH da u ovom predmetu javne nabavke donese odluku o dodjeli okvirnog sporazuma ponuđaču: „JP BH Pošta“ d.o.o. Sarajevo jer je njegova ponuda u skladu sa kriterijima i tehničkom specifikacijom utvrđenom tenderskom dokumentacijom i što je ponudena cijena u iznosu od 311.400,00 KM bez PDV ocijenjena kao prihvatljiva s obzirom da je u okviru osiguranih sredstava za ovu nabavku u budžetu Centralne izborne komisije BiH. Usluge poštanske dostave su oslobođene obračuna i plaćanja PDV-a, shodno Zakonu o porezu na dodatnu vrijednost.

Imajući u vidu naprijed navedeno, Centralna izborna komisija BiH je i odlučila kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom poslijem u roku od 10 dana od od dana prijema ove odluke.

Broj: 07-2-16-3-757-9/16  
Sarajevo, 20.07.2016. godine

Dostavljeno:  
-Ponudaču  
-a/a



Predsjednik  
Dr. Ahmet Santic